

1 Tesalonaika

Pâlanj Tesalonaika am ekņengat zapat meluwanj ņenaj kapi kumti beme mege

Pâlanj zapat meluwanj kapi kukņangat kuye. Eganj Kolin mka temanj tati Tesalonaika dapmelanġe ekņengat zapat meluwanj kapi kumindaye. Kolinmak Tesalonaika mka temanj zut ke msat temanj kwepgat keņan talip. Loma gapmangalen plowins ikņak ikņak. Kolinanj Akaia plowinsyet keņan tazin ma Tesalonaikayanj Masodonia plowinis keņan tazin. Kegogapmti Pâlanj Kolin mka temanj tati zapat meluwanj kapi kumti Tesalonaika dapmelanġe ekņenmagen beme mege. Tesalonaika mka temanj ke nembu gazenan matazin. Zuda am isikņanj bukņen mme penanj msat mtonj Glis am. Tesalonaika mkaen Zuda am ekņengalen sesewat mka tage keyepmti Pâlanj Zisasiyanj gakimti wageyelen zet zapatnanj ke met diindome kumâpme Tesalonaika mka pemti Belia mkaen towepme mâtoti mâpme Aten mepmamtan (Nembayelen Muluwin 17:1-14).

Pâlanj zapat meluwanj kapi yananj kulekiyet kuye? Eganj Tesalonaika dapmelanġe ekņenmak belaknik bukņen tati koge yangut Pâlanj ekņengat kembenj mtiyepm zapat meluwanj kapi kumindain. Ekņenanj amnanj ek ku mâbien sepem kebonj ke amnanj ekņen indomâpme keyet nâmnukņanj ku mbep nâmtiyepm kumindaye.

Ekñenan nâmkîñpepeyen alakñati kobien keyepmti zemgwatnañ zet notnañ mimindaye. Zisasiyañ sakwep kokogalen zet ke bukñen tembenik zapat meluwañ kapiyet kumindamti zemâtâtât omba penañ mge.

Zet ñotekñañ teman kapigogañ 1 Tesalonaika zapat meluwañ keñanen talip:

1:1 Pâlañ dapmelange indamukuye

1:2–3:5 Pâl Zisasiyañ mulup sasañañ ke mimiyeleñ zemâtâtât zet notnañ kuye

3:6–13 Pâlañ ekñengalen nâmkîñpepeñin ma notn notn mamayet tikñañin omba tatindaye keyet zemsesewatindaye

4:1–12 Pâlañ mama mimi dolakñañ mimiyet zemgwatnañ mge

4:13–5:11 Pâlañ msatmak kululuñ asekmalu menok sambe sokbewe keyet zetnañ zeye

5:12–28 Pâlañ an kwep kwep mukumindemâge

Zet yañbemzenzeyelen zet

¹ Neñmak Silwanusmak, Timoti, nsakwep kapi tati zapat meluwañ kapi Kawawañ Bipm ma Amobotnañ Zisas Kilaisiyelen am mange Tesalonaika mka teman talip ingat kumti bemann kozin. Ma egelañ in keñ taolet ma keñ sewakñañ mimindandayet nâmti mandundunup.

Tesalonaika am ekñengalen nâmkîñpepeñinañ am notnañ melañ belañ bemindeye

²⁻³ Mti nin Bipm Kawawañmagen nâmkîñpemti kwitnañ kwitnañ dolakñañ sambe mamimelip keyet maotnâmindenup. In Kawawañgalen am mange ekñenmagen mulup windenjañbenj mti

Amobotnaŋ Zisas Kilais kokogat penaŋ webe-
mti matalip keyepmti nin mandundunup katan
ingat nâmti Kawawaŋgat wisikŋ manzenup.
⁴ Kilaismagen dapmeniŋne in kapigok nâit,
Kawawaŋaŋ ingat keŋaŋ temaŋ beme ikŋaŋgat
zapat penaŋ indaombemindeye. ⁵ Nin inmagen
Kawawaŋgalen Zet Zapat Dolakŋaŋ Penaŋ mti
kobenn ke wan am ŋengalen zet belakŋaŋ yek.
Zet ke Emetak Tenmak ma windenaŋmak e penaŋ
ekmâtâpmann delaŋ zeme ingat tunguwinan kop-
mamti indamukulem mti mambenn keyet yaŋaŋ
ilin nâmndeip. ⁶ In buŋam zapat timkitikpemt
nin ma Amobotnaŋ ikŋaŋ ndapmâti mambien
kan keyet nukŋaŋ sambe penaŋ amnaŋ ingat
palen bewien. Yaŋgut keyet keŋaŋ Emetak Ten
keŋin mme oloŋen etaŋ bemâbien. ⁷ Âpme in
mama mimiŋin dolakŋaŋ ke mme am Masedonia
msalen ma Akaia msalen am nâmkŋpepemak
mamaip ekŋenaŋ in indikti ingalen set dolakŋaŋ
keyegak mâti mbien. ⁸ Wa in nâme Mase-
doniamak Akaia msalen ke meti Kilaisiyelen
mulup mbien ewan msat zut ke etaŋ ku tage
nâmkŋpepeninaŋgat zapatnaŋaŋ msat sambe
bee mekopme am sambeyaŋ nâme delaŋ zemâge.
⁹ Nin inmagen kobenn kan keyet in mukulem
dolakŋaŋ mimndawien ma nin zet zemann
nânâŋak keyegak nopiom notnaŋ sambe masese-
watsamtemien e peme tapme Kawawaŋmagen
koti Kawawaŋ alik main ma ek penaŋ suk-
wep tazin ek masesewatsaip. ¹⁰ Kegok mti
Kawawaŋgat Nemunaŋ Zisas kululuŋengatnaŋ
gilik zemti kobe keyet damuŋ matalip. Ek Bip-

manan gakikiengatnan buteme wati moge. Nin ekmak watekumti manup keyet mti ninmagen Kawawaŋgalen wenbowan ku sokbewe.

2

Pâliyan Tesalonaika amgat tunguwinan mamti mulup mge

¹ Kilaismagen notnne, nin inmagen ke kot luenŋset mamtemen ke wa belak penan ku mam-benn. Nin mulup ingat tunguwinan mbenn eyet penanan sokbeye. Keyet yanar ilin nep nâmtalip. ² Pilipai am eknenan kasa nenzinziŋ minndame keyet kenan nâmisim mamti mulup mbenn e ilin nâip. Yanaman inmagen kegogak mulup mmann am notnanan kasa nenzinziŋ minndame keyet kenan Kawawaŋan winde ndame epumti ingat tunguwinan ke mamti Kawawaŋgalen Zet Zapat Dolaknan Penan diindowenn. ³ Nin inmagen mulup kop mbenn ewan nin zet dâsuki diindomti imbiyet zikat ma tetimaemae mulup ku mbenn. ⁴ Kawawaŋan iktan yanŋ minndigeyan nin Kawawaŋgalen Zet Zapatnan Dolaknan Penan kapi nep zenzeyelen beme mulupman kapi ndaye. Keyepmti nin wa amnan sekŋ mot ndendeyet nâmti ku maminup. Kawawaŋ iktan etan ningalen mulupgat oloŋen mimiyeŋ nâmti maminup. ⁵ In nâip, nin inmagen kobenn ke wan in mânep ndandayeŋ nâmti zet kelaknan mimindasât ku kobenn. E Kawawaŋan ke nâme egat zikatnan penan zenup. ⁶⁻⁷ Nin inmagen ma am notnan eknenmagen kwizet buŋamak

bembeyet ku manâmtemenn. Nin penañ Kilaisiyelen zemindendenañ an manup keyepmti in kwizet buñam teman ndandayet nâmbenek benagen nin bewelep kwisak mimindamann in kwizet buñam teman ndawiek. Keyangut nin inmak mambennen sewak sewak mamtemenn. Imbi ñenañ nembañaneyet gogot mti indadamuñ dolakñañ mamin sepem kegok mimindati mambenn. ⁸ Nin ingat tikñañ penañ manâmindenupgapmti Kawawañgalen Zet Zapat Dolakñañ Penañ inmagen zenzeyet tikñañ kwapem penañ tatndain. Yangut ke etañ yek. Nin ingat nâmtikñañ mamimindenupgapmti ingapm sek sindem teman matinup. ⁹ Kilaismagen notnne, in nin nnañgat sekñ bandim mimiyelele mulup nukñañ sambe tambuyet ma kasupgat mamtemenn keyet otnâit. Nin Kawawañgalen Zet Zapat Dolakñañ Penañ inmagen manzemtemenn kan keyet in sek bandim kwileki ñen ndandayet ku indawekuwan.

¹⁰ Kegok mti nin Kilais nâmkijpepenañ am ingat tunguwinan kwetetepmañ ma mama teñ ma mimiñgunñgupiñ mamamtemenn ke in ma Kawawañ ilinsakwep ningat mamannañgat yañañ ñep nâmtâtndeip. ¹¹⁻¹² Nin nembabiwinañ nembañine indamukulem dolakñañ mamimindeip. Sepem kegogak in an kwep kwep indamukulem mti kenjin mim elen beñ bemindemti gwatnañ mimindewenn. In Kawawañgalen zemâtâtât katnanen mama ke ma mama kanzizit ego egoñañmak ke motitiyet indazemtetime kobien. Keyet in mama mimi dolakñañ Kawawañ nâmtikñañ maminen ke

etan mti mambep.

¹³ Nin inimagen zet koti zewenn ke wa am nenyelen zet yek e Kawawangalen zet ke zemann in nâmti timkitikpewien keyepmti nin Kawawangat wisikn manzenup. Keyepmti pigok zema nâit: Kawawañan am nâmkñpepemak ingat keñinan mamti mulup mamin. ¹⁴ Kilaismagen notnne, nâip. Kawawangalen dapmelange Zudia msalen mamaip ekñenan Zisas Kilaismak metusumti mame ilinañgat noline ekñenan kasa nenzinziñ miindamti indomwalet mbien. Sepem kegogak inimagen sokbemindaye.

¹⁵ Zuda am ekñenan wan nin Kawawangalen mulup kapi mmann egañ nâmdeme dolakñan tabeinmak zemtati mamti Amobotnañ Zisas ma Kawawañmagen zet mti zenze an indomti eyetnan sulun tapme am belakñan notnañ timtoindemti nin mee pi sisipenpen minndamti ndapmâtimâti maminndeip. ¹⁶ Mti am Zuda mangeen ku sokbembeñan ekñenmagen Kawawangalen Zet Zapat Dolakñan Penan diindomann nâmti Kawawañmagen keñ gilik zenze aiikgalen eyo mambekekndeip. Ekñenan kegok mti yom mti mimiek mamkwatnepeme Kawawangalen nenzinziñ sokbemindaye.

Pâliyañ keñañ temañañ ewe Tesalonaika am met indidigat manâmtan

¹⁷ Kilaismagen notnne, inmak kan belatnik kapi segañ etañ kalañ mekoti manup. Âpme nânânnañ in ku katimindewenn. Keyepmti nin set zigoset aikti kot indiksenup zemti mulup

teman maminup. ¹⁸ Nin ñep penañ kot indik-benakgalenangut kan notnangat kosât mmann Sadanaj mambekekndein. Âpme nenn penañ kan notnangat nenak etañ inmagen kokogalen penañ manembemtan. ¹⁹ Nin msalen pi alik mamti inmagen mulup sek sindem ke yañañ kwilekiyet matinup? Amobotnañ Zisasiyañ kobe kan keyet inmak nin nsakwep egat zimoset-nan lindiñ motati in ningat kenñ mme oloñen bewe ma nin mulup mbenn keyet penañ in motapme indikbanup keyet nâmti webepen manup. ²⁰ Ingapmti nin segeyak mti kenñ oloñen mamnup.

3

¹ Keyepmti nin ingat kenñ sindem ke tetak ku nânâyelen nâmtiyepm neñmak Silwanusmak kapigok nâmtalati nit ndak Aten mka teman tati ² nit Timoti Kilaismagen meniñnit ek nitmak Kawawanğat mulup mamnup ek pemalu eweñan inmagen koge. Egañ Kilaisiyelen Zet Zapat Dolakñañ Penañ mampalakñañ bein kogogapmti egañ indamukulem mme Kilaismagen nâmkijpepenin winderañberñ ñep butem wat indendeyelen mulupmañ mge. ³ Kogogapm inmagengatnañañ kukñañ palen tati gilik pemti naman mamanin itnañan ku mebep. In nâmtalip kukñañ kebon kapi Kawawañañ nin titiyet nâmti bempeye. ⁴ Nin in eweñan amnañ sisipenpen mimindawep e mandiindomtemenn. Keyet katan masokbemindamkwazin e in nâip. ⁵ Âpme neñ ingat kenñ sindem tetak ku nânâyelen nâmti keyepmti Timoti inmagen pema

nâmkînpepeñinangāt yañañ eegalen koge. Mneti Sadañ tetimindeme ningalen mulup belak penañepiñ benakgapmti ek pema koge.

⁶ Keyañgut Timotilak ninmagen gilik pem kotî ingalen nâmkînpepeñin ewe tapme noli-nangāt keñin mambein keyet zapatnañ ilak min-dame nâmbenn. Nin inmagen mulup pembeda mbenn ke nâmti in kot ndidikgalen manâip nin sepem kegogak imkot indidikgalen manâup.

⁷ Kilaismagen notnne, ninmagen nukñañ ma sisipeñpeñ kogeeng ingalen nâmkînpepeñin ewe kaliñañ tazin keyet zapatnañ nâmbenn keyañ keñ m elen belañ bemndeye. ⁸ In Amobotnañmak penañ wetekumti ewe mamambep beme nin keyañ keñ m elen belañ bemndeme nin nukñañ sambe e ñep timann dukñananen mopme mulup nâmisimti mbanup. ⁹ Nin mulupmnangāt penañañ in sokbewien ke nâmti keñ segeyegañ bemisikme oloñen palen tati Kawawangāt wisikñ manzenup. ¹⁰ Nin tambu msa pi Kawawañ set ñen aikndame in ewe kot indikti nâmkînpepeñinan nukñañ ñen taindain beme ke ekti indamukulem mimiyet nâmti dundundu mulup katikñañ maminup.

¹¹ Kawawañ Bîpm ikñañ ma Amobotnañ Zisasiyañ set ñen weyañme inmagen kokogalen nâmti mandundunup. ¹² Nin Amobotnañañ indamukulem mimindeme tunguwinan ma am notnañ ekñenmak gogot palenegak etañ mamayet nâmti mandundunup. Sepem kegogak nin ingat gogot mimindamti manup ¹³ Kegok mme Amobotnañañ gwatnañ mimindeme

tapmetnepeme Amobotnaŋ Zisasiyaŋ gilik zem koti am egalen bemberaŋ indatimkobe kan keyet in Kawawaŋ Bipmgaŋ nenzimoseŋna kenjin kweteteŋmaŋ ma yompiŋ piyaŋ motabepgaŋ nâmti mandundunup.

4

Amnaŋ mama dolakŋaŋ mamayet Kawawaŋaŋ nâme tikŋaŋ mambein

¹ Pinan kwileki ŋengat kumindasowap. Kilaismagen notnne, in nin mama mimi dolakŋaŋ Kawawaŋaŋ nâmtikŋaŋ mamnne keyet yaŋaŋ zikat indamann ekbien. Ke mâti mamip. Kegogapmti Amobotnaŋ Zisasiyet pemberaŋgaŋ mama mimi dolakŋaŋ kapi tusumti ewe penaŋ mimiyet nâmti meluwaŋ mimindanup. ² In zet zemzikat indam mbenn e Amobotnaŋ Zisas ikŋaŋgalen zet penaŋ e in nâip. ³ Kapi Kawawaŋaŋ in mimiyelen nâmtikŋaŋ mam ma egaŋ in imbimak set kileŋ mamaŋiŋ kweteteŋmaŋ penaŋ mamayet manâin. ⁴ Keyet mti an kwep kwewaŋ imbi wasâti Kawawaŋgalen seleset dolakŋaŋ maip sepem kegogak imbi kwep wati egat nâme mobotnaŋ beme mukulem mpemambe. ⁵ Mamti in am Kawawaŋ ku manâmkinaŋpeip eŋenaŋ imbiyet eyak mti set kileŋ mamaipnok ku mambeŋ. ⁶ Nin eweŋaŋ Kawawaŋgalen nânâ tazin ke mâti pigok diindowenn. An ŋenaŋ an ŋeniyet imbiŋaŋ menzem wabe beme Amobotnaŋaŋ an keyet yomaŋgaŋ dopmaŋ mobotnaŋ penaŋ mutumsawe. ⁷ Kawawaŋaŋ nin imbimak sek

kilenj mamayet ku ombemndeye eganj iknanj mama mimi nâme dolaknanj mambein ke mti tenj mamayet ombemndeye. ⁸ Keyepmti an njenj zet ke zemtalabe beme eganj amgat ku zemtalabe Kawawananj Emetak Tenanj manndain egat zemtalabe.

⁹ Keyepmti in Kilaismagen noline eknjengat kenjin bembe keyet nin zemâtâti meluwanj ku kumindandayelen. Noline tunguwinanen mamaipgat kenjin bembe nânâ ke Kawawananj iknanj ewenjan kenjinan baen bempeye. ¹⁰ Penanj sukwep, nolinangat kenjin bembe nânâ ke in kenjinan tazin keyet mti in am Kilais nâmkijpepenanj Masedonia msat katanj mamaip eknen indamukulem mimindewien keyepmti Kilaismagen notnne in mama mimi dolaknanj kapi ewe weyanj tusum mimiyelen nâmti diindonup. ¹¹ In mama mimi mtot sewaknanj palen mama keyet nâme mobotnanj bewe. Mti belinanj muluwin mme weme ilinangalen keyetnanj tim nimti mamambep. Zet e ewenjan inmak ke mamti diindowenn. ¹² Sepem kegok mbep beme in am nâmkijpepeninpinj eknjengat zikalinan mama mimiin dolaknanj sokbewe. Mti ilinangat seknin ekdamunj mti mamambep.

Amobotnanj gilik zemkopme kwitnanj kwitnanj kapigok sokbewe

¹³ Kilaismagen notnne, nin in am gakikijangatanj yanj pigok diindomann nâit. Am nâmkijpepenin Kawawanmagen etanj ku tazin eknen webembenpinjgapm nolin gakime keyet si kemberj omba mamip, kegok in ku mbep.

¹⁴ Zisas gakimti ewe gilik zemti wage yan maneti Kawawanaŋ naman zempeme gilik zemkosâpmnen am Kilais nâmkinpemti gakiwien ekŋen koindati ilinsakwep mebep. Zet kapi penan e nâmkinpem tatiyepm zenup.

¹⁵ Zet kapi Amobotnanaŋ ikŋan zeyeen keyegak nin sakwalamti diindonup. Amobotnanaŋ gilik pemkobe kan keyet am aligan am itnanaŋ gakikiŋan ekŋengat damuŋ tapmann ekŋenaŋ am sumengatnan neŋan wabep. ¹⁶ Amobotnanaŋ ikŋan kululuŋengatan kopmambe am ningat zet busup kuwe ma Kawawangalen ensel neŋan bembeyan kwizet kume Kawawanaŋ lumun temaŋ kumbuwe. Kilaisiyaŋ topme am ek nâmkinpemamti gakikiŋan ekŋenaŋ neŋan am sumengatnan wapmâbep. ¹⁷ Wapme wapme keyegak Kilais nâmkinpepenŋan alik tabanup nin ma am gakikiŋan ekŋen nsakwep lumaŋ moti muŋgulubugen gwaen Amobotnan aikbanup. Mtingut nin ekmak kwesiŋ mepmamambanup. ¹⁸ Kogogapm zet kapi zenâmti ilinak nâmkinpepen dopmaŋ mukulem dopmaŋ mukulem mti mamambep.

5

Amobotnanaŋ kobe keyet damuŋ tabep

¹ Kilaismagen notnne, kwitnan kwitnan kapi sokbewe keyet kan nin ku nânup. Keyepmti nin Zisas kan keyet penan kobe ke zemâtâti ku kum indasenup. ² Amobotnanaŋ kosât mbe kan keyet egaŋ am kambu titi ekŋenaŋ kambu tisât

pempetuk makolip sepem kegogak egan pempetuk timkwabe. ³ Amnan pigok zewep, “Kan pi ninmagen mamasiyan weme keyepmti totatat pembenan tatnup.” Kegok zemti tapmnepeme kan keyegak kasa tunguwinan sokbeme eknenan nep ku kunzunbep. Imbi kambakmagan tatneti nemba sindeman pempetuk masokbemindain sepem kegok sokbemindawe. ⁴ Kilaismagen notnne, in kwitnan kwitnan sokbewe keyet yanjan ku kandalip. Keyepmti in manepeme Amobotnanan kobe kan keyet in ku endilipewep. Am eknenan nanâpin tapmetnepeme an kambu titi nenan kopme ekti maendilipeip sepem kegok ku mbep. ⁵ Nin msayet sosok mamti mama mimi pembenan maminup. Wa nin am tambuyet enzilim mamti mama mimi bekanan mamip eknen kebon yek ⁶ keyepmti in eksepen mambep. In am notnan eknenan muluk maweip kegok ku mambep. In Kilais kokotnangat damun eksepen kaik tabep. Am tu katiknan nimti sebelin suknan beme mulukgat manzalim talip kegok ku mbep. ⁷ Am muluk weweyelen eknenan tambuyet muluk mawep ma am nanâjinpin eknenan tambuyet tu katiknan nimti kenin kilen beme tambu sutnan kaliyan kwisagat matalip. ⁸ In msayetgalen am keyepm nin tu katiknan nimti ken kilom ku mbanup. Nin namkinpepe ma am notnangat gogot mimi keyan mowenok sembe mti mambanup. Kawawanan yomengatnan angalanndewe ke aiikgalen webem mama keyan sipakandak bunduninok beme mundun mambep. ⁹ Kawawanan nin wa sek sin-

dem ndamti ndawalalatgat ku ndaombemndeye. Egan Amobotnanṅ Zisas Kilaisiyet pembedangapmti teziṅ ṅandangalen selengatnan gilik zemti ndatitiyet ndaombemndeye. ¹⁰ Nâip, egaṅ nin ekmak mot mamayet nâmti ningat mti gakiye. Keyepmti nin ewe alik mambanup ma gakiwanup beme egaṅ kobeen nin nsakwep ilindiṅ ndatime mopmâbanup. ¹¹ Keyepmti in sepem mamip kegogak nâmkipepeninan notnanṅ notnanṅ gwatnanṅ mpem notnanṅ notnanṅ gwatnanṅ mpem mti mukulem mukulem mti mambep.

¹² Kilaismagen notnne, in damuṅine tunḡuwinan mamti mulup windenṅbenṅ mamip ekṅengat nâme mobotnanṅ beme zelin gawepumti ekṅengat kandaninan mtot mambep. Ekṅen keyaṅ mama mimi dolakṅaṅ zikat indamti zemusuwetindeme in ke mâti mimiyet nâmti Amobotnanṅaṅ iṅṅaṅ ombemindeye. ¹³ Ekṅen keyaṅ ingat tunḡuwinan mulup mamip keyepmti in ekṅengat nâmindeme mobotnanṅ igagen penanṅ beme gogot mimindewep. Mti ilinaṅgat tunḡuwinan mamasiyaṅ weweyet eyo mulupman kaliṅaṅ mbep.

¹⁴ Kilaismagen notnne, nin in pigok penanṅ mimiyet diindosâpmnup. In am wisatonṅ ekṅen an keṅoo mimindewep ma am kinaḡapeṅ maip ekṅen zemḡwatnanṅ mimindeme windenṅinbenṅ tabep. Ma am sugak sugak maip ekṅen indamukulem mimindewep. Mti am sambe ekṅenmak sewakṅaṅ palen etaṅ mambep. ¹⁵ Nâip, in am ṅenanṅ myunḡum indame in dopmanṅ sepem kegogak ku mimindawep. In ilinaṅgat tunḡuwinan mama mimi dolakṅaṅ etaṅ

mti eyetnaŋ am notnaŋ ekŋenmak sepem kwep kegogak mmambep.

¹⁶ Kan katanŋ oloŋen palen mambep. ¹⁷ Mti tambu msa dundupenŋ mamambep. ¹⁸ In Kilais Zisasiyet zapat mamaip keyepmti in nukŋaŋ palen mamti Kawawaŋgat wisikŋ zepenŋ mimiyet nâmtikŋaŋ mam.

¹⁹ In Emetak Tenŋaŋ ammagen mulupmaŋ msâpmme e ku mautukek pemambep. ²⁰ In anaŋ Kawawaŋmagenaŋaŋ zet matimzep. Zet ke zemtalatpemtŋ winaŋaŋ ku mtot pewep. ²¹⁻²² In zet sambe nâmtimtŋ weyaŋ mendesim ekti pemaŋaŋ weyaŋ mimkitikpemtŋtati bekaŋaŋ notnaŋ bee time mepmâbe.

²³ Neŋ Kawawaŋ an keŋ sewaktoŋ egaŋ in indapmme kwetetepmaŋ bembeyet nâmti egat mandunduyap. Egaŋ in indadamuŋ mme nâmamanaŋin ma keŋin ma sekŋin esemtenŋ kakane-muŋak manepeme Amobotnaŋaŋ Zisas Kilaisiyaŋ kobe. ²⁴ Kawawaŋaŋ am iŋaŋgat nemunambaŋane penaŋ bemti mamayet zetŋ mimindeye keyet penaŋaŋ elak in eyo ke sokbemti mamaip.

²⁵ In nin Kawawaŋaŋ ndamukulem mimiyet nâmti kegogak dunduwep.

²⁶ Âpme nâgât weŋnok in Kilaisiyelen dapmelange notnaŋ maip ekŋen ke notn mimindemtŋ indamukum belin butemindewep.

²⁷ Âpme neŋ Amobotnaŋgat zikatnan pigok zemkatikbeyap. In zapat meluwaŋ kumbema kozin kapi mti Kilaisiyelen dapmelange sambe ke maip ekŋen makumindame nâme delaŋ zewe.

²⁸ Amobotnanŋ Zisas Kilaisiyelen keŋ taolelan
inmak kwesiŋ wemeti wembe.

Kawawangalen Tâtâ Alakṇan
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

ea68a902-358a-5c72-82de-a583fc4809e7